

Presentazione di u racontu

Ciculu 1		
Nu di a fiura	Dumande / risposte	Frasa chjave
Fiura 1	<ul style="list-style-type: none"> - Chì si vede nant' à sta fiura ? - Si vedenu à a mamma è Cappuccinella. - Induve sò? - Sò ind' a furesta à cantu à a so casa. 	Cappuccinella Rossa campa cù a so mamma in furesta.
Fiura 2	<ul style="list-style-type: none"> - Chì deve purtà Cappuccinella Rossa à Mammone ? - Un biscottu è un vasettu di butiru. - Chì face cume ricumendazione a mamma ? - Ùn ti piantà ! Fila a to strada! 	A mamma dice: « porta stu biscottu è stu butiru à mammone ».
Fiura 3	<ul style="list-style-type: none"> - Chì face Cappuccinella Rossa ? - Pianta in furesta per coglie i fiori. - L' hà stata à sente à a so mamma? - Innò chì s' hè piantata ? 	Cappuccinella Rossa coglie i fiori per mammone.
Fiura 4	<ul style="list-style-type: none"> - À quale scontra Cappuccinella Rossa in furesta ? - A u lupu. - Chì li dice? - Vò ind' è Mammone. 	Cappuccinella Rossa scontra u lupu è li dice : «Vò à vede à Mammone ».
Fiura 5	<ul style="list-style-type: none"> - Chì vole mostrà u lupu à Cappuccinella Rossa ? - A strada. - Chì risponde Cappuccinella ? - Ricusa è cuntinueghja a so strada sola. 	Cappuccinella ricusa di fà a strada cù u lupu.
Fiura 6	<ul style="list-style-type: none"> - quale hè chì ghjunghje u primu ind' è mammone ? - U lupu - Chì face? - Si face passà per Cappuccinella Rossa? - Chì dice Mammone ? - Li dice : “ Tira a funicella, a vulella cascherà è a porta s' aprerà!” 	U lupu ghjunghje ind' è mammone è a si manghja sana sana.
Fiura 7	<ul style="list-style-type: none"> - Chì face u lupu ? - Si traveste cù i panni di mammone. 	U lupu mette i panni di mammone.
Fiura 8	<ul style="list-style-type: none"> - Chì face u lupu ? - Si ficca ind' u lettu di mammone. 	U lupu si chjina ind' u lettu di mammone.
Fiura 9	<ul style="list-style-type: none"> - Quale hè chì ghjunghje dopu ? - Cappuccinella Rossa. 	Pocu tempu dopu, ghjunghje Cappuccinella Rossa.
Fiura 10	<ul style="list-style-type: none"> - qualesi sò i parsunagi di a fiura ? - U lupu travestutu è Cappuccinella Rossa. - Chì li dice Cappuccinella Rossa à a so mammone ? - Tamant' ochji chè tu ai ! 	Cappuccinella Rossa trova a so mammone strana.
Fiura 11	<ul style="list-style-type: none"> - Chì trova di stranu torna ? - E bracce, i denti. 	O mammò, tamante bracce è tamanti denti chè tu ai !
Fiura 12	<ul style="list-style-type: none"> - ch' hà fattu u lupu ? - S' hà manghjatu à Cappuccinella Rossa è si face una siesta. - Quale hè ch' affacca ? - U cacciadore cù u so fucile. 	U lupu hà manghjatu à Cappuccinella Rossa è ghjunghje u cacciadore.
Fiura 13	<ul style="list-style-type: none"> - Chì face u cacciadore ? - Sciacca una fucilata à u lupu è u tomba. 	U cacciadore tomba u lupu.
Fiura 14	<ul style="list-style-type: none"> - Qualesi sò i parsunagi ? - u lupu, u cacciadore, mammone è Cappuccinella Rossa. - Chì facenu ? - Facenu a festa. 	Facenu un vesperinu tutti insemi.

Lessicu

Ciculi 1, 2 è 3

Ogettivu : - Acquistà e parolle di u racontu

Ciculu I	Ciculu II	Ciculu III
Cappucinella Rossa A casa → casuccia A furesta U cappuccinu Mamma → mammone : a vechja Biscottu U butiru U lupu A strada A sporta → u spurtellu Voce → vucione / vuciarelle U lettu U cacciadore U cultella U fucile U vesperinu L'ochji L'archje I bracce I denti Pichjà à a porta Manghjà sana sana Purtà Induve vai ? Vò.....		

Materiale : - Disegni chì rapresentanu e parolle da studià. Sti disegni puderanu esse incullati nant'à a carta di Bristol o plastificati da pudè esse manighjati.

Sbucinera :

- Travagliu cullettivu : U maestru face vede un disegnu è dumanda à i zitelli di di a parolla chì corrisponde. S'elli ùn la cunnoscenu micca, ghjè u maestru chì a dice . Ogni parolla serà ripetuta di modu cullettivu po individuale.

Si pruponenu dopu ghjochi da fà mimurizà u lessicu :

- Ghjocu di Kim : si face vede una seria di disegni da falli mimurizà à i zitelli po si piatta unu di sti disegni. I zitelli devenu truvà u qualesu chì manca.
- A china maghjina
- Ghjocu di memory

- Travagliu individuale :

(Da vede a fiscia di u scularu)